

Akashvani, Sambalpur

SAMBALPURI NEWS BULLETIN

27 November 2025 – 6.47- 6.52 am.

ବିଧାନସଭା ଅଧିବେଶନ ଭୁବନେଶ୍ୱର ସମ୍ବାଦଦାତା

ସପ୍ତଦଶ ବିଧାନସଭାର ଶୀତକାଳୀନ ଅଧିବେଶନ ଆସନ୍ତୁ ମୁଲ୍ ହେଉଛି । ରାଷ୍ଟ୍ରପତି ଦ୍ରୌପଦୀ ମୁର୍ମୁ ଆସନ୍ତୁ ଗୃହକେ ସମ୍ବୋଧନ କରବେ । ରାଷ୍ଟ୍ରପତିଙ୍କର ଉଦ୍‌ବୋଧନ ଆଘୋନୁ ମୁଖ୍ୟମନ୍ତ୍ରୀ ମୋହନ ଚରଣ ମାଝୀ, ବିରୋଧୀ ଦଳ ନେତା ନବୀନ ପଟ୍ଟନାୟକ ଭିଲ୍ ଅଭିଭାଷଣ ଦେବେ । ରାଷ୍ଟ୍ରପତି ଆସନ୍ତୁ ଉପରବେଳା ବିଧାନସଭା ନ ପୁହୁଁଚିବେ । ରାଷ୍ଟ୍ରପତିଙ୍କର ଗଣ୍ଡକେ ନଜରୁ ରଖି କମିଶନରେଟ ପୁଲିସ୍ ତରଫୁ ବ୍ୟାପକ ସୁରକ୍ଷା ବ୍ୟବସ୍ଥା କରାଯାଇଛି । ମୁଖ୍ୟମନ୍ତ୍ରୀ ମୋହନ ଚରଣ ମାଝୀ ଅଧିବେଶନର ୨ ନମ୍ବର ଦିନେ ୨୦୨୫-୨୬ ଆର୍ଥିକ ବଛର ଲାଗି ପହେଲା ଅତିରିକ୍ତ ବଜେଟ୍ ଉପସ୍ଥାପନ କରବେ । ଇ ଅଧିବେଶନ ତିସେମ୍ବର ୩୧ ତାରିଖତକ୍ ଚାଲିବା ଆଉ ଇଥୁ ମୋଟ୍ ୨୯ ଟା କାର୍ଯ୍ୟଦିବସ୍ ରହିଛି ।

ରାଜ୍ୟପାଲ୍ ଆରବିନ୍ଦ୍/ ସମ୍ବଲପୁର

ରାଜ୍ୟପାଲ୍ ଡକ୍ଟର ହରିବାବୁ କମ୍ପ୍ୟୁଟାଟି ରାଜ୍ୟର ଭିନ୍ ଭିନ୍ ଜିଲ୍ଲାକୁ ଆସିଥିବା ଆଦିବାସୀ ଆରୋଗ୍ୟକାରୀମାନଙ୍କର ସାଙ୍ଗେ ଭାବ୍ ବିନିମୟ କରିଛନ୍ । ଗଲାକାଏଲ୍ ରାଜଭବନ୍ ଅଭିଷେକ୍ ହଲ୍ ଠାନ୍ ହେଇଥିବା କାର୍ଯ୍ୟକ୍ରମ୍ ରାଜ୍ୟପାଲ୍ ସେମାନଙ୍କର ସହେତେ ଆଲୋଚନା କରିକରି ତାକର ଚିକିତ୍ସାର୍ ଜ୍ଞାନ୍ ଅମୂଲ୍ୟ ଆଉ ପ୍ରଶଂସନୀୟ ଆଏ ବଳି କହିଛନ୍ । ଖାସ୍ କରି ଅନୁନ୍ନତ ଜନଜାତି ଗୋଷ୍ଠୀର ସଦସ୍ୟମାନଙ୍କର ସହେତେ ଆଲୋଚନା କରିକରି ରାଜ୍ୟପାଲ୍ କହିଛନ୍, ଭିତ୍ରିଆ ଇଲାକା ଯେନ ସ୍ଵାସ୍ଥ୍ୟ ସୁବିଧା ନାହିଁ ପୁହୁଁତିପାରି ସେନ ପାରମ୍ପାରିକ୍ ଚିକିତ୍ସା ପଦ୍ଧତି ଶହ ଶହ ବଛର୍ ହେଲା ବିକଶିତ୍ ହେଇ ଆସୁଛେ ।

ଧାନ୍ଘିନା ଆର୍ଏନ୍ୟୁ/ ସମ୍ବଲପୁର

ଭାରତୀୟ ଖାଦ୍ୟ ନିଗମ୍ -ଏଫ୍ସିଆଇ ଓଡ଼ିଶା ନ ଅତିରିକ୍ତ ୮ ଲାଖ୍ ମେଟ୍ରିକ୍ଟନ୍ ଆଉ ମୋଟ୍ ୫୮ ଲାଖ୍ ମେଟ୍ରିକ୍ ଟନ୍ ଧାନ୍ ଘିନ୍ବା ବଳି କେନ୍ଦ୍ର ଖାଉଟି ବ୍ୟାପାର୍, ଖାଦ୍ୟ ଆଉ ସାଧାରଣ ବଂଟନ୍ ମନ୍ତ୍ରୀ ପ୍ରହଲ୍ଲାଦ୍ ଯୋଷୀ ସୂଚନା ଦେଇଛନ୍ । ଇଥିରୁଲାଗି ଆଘୋନୁ କେନ୍ଦ୍ରମନ୍ତ୍ରୀ ଧର୍ମେନ୍ଦ୍ର ପ୍ରଧାନ୍ ଶ୍ରୀ ଯୋଷୀଙ୍କୁ ଅନୁରୋଧ୍ କରିଥିଲେ । ଶ୍ରୀ ପ୍ରଧାନ୍ଙ୍କର ପତ୍ରର୍ ଉତ୍ତର୍ଥି ଶ୍ରୀ ଯୋଷୀ କହିଛନ୍, ଓଡ଼ିଶାର୍ ଚାଷୀମାନଙ୍କର

ସ୍ଵାର୍ଥକେ ନଜରୁ ରଖିକରି ଖରିଫ୍ ରତୁଥି ୪୭ ଲାଖ୍ ମେଟ୍ରିକ୍ ଟନ୍ ଆଉ
ରବି ରତୁଥି ୧୧ ଲାଖ୍ ମେଟ୍ରିକ୍ ଟନ୍ ଧାନ ଘିନାଯିବା ।

ଭାରତ୍ ଅନ୍ତର୍ଜାତୀୟ ବାଣିଜ୍ୟ ମେଳା I&PR

ନୂଆଦିଲ୍ଲୀରୁ ଭାରତ୍ ମଣ୍ଡପମ୍ ପରିସର ନ ହେଇଥିବା ୪୪ ନମ୍ବର
ଭାରତ୍ ଅନ୍ତର୍ଜାତୀୟ ବାଣିଜ୍ୟ ମେଳା-୨୦୨୫ର ଶେଷ୍ ଦିନେ ଓଡ଼ିଶା
ପାଢ଼ିଲିୟନ୍ ପୁରସ୍କୃତ୍ ହେଇଛେ । ଇ ବଛର୍ ଏକ୍ ଭାରତ୍ ଶ୍ରେଷ୍ଠ ଭାରତ୍
ବିଷୟବସ୍ତୁକେ ଆଧାର୍ କରିକରି ଓଡ଼ିଶା ପାଢ଼ିଲିୟନ୍ ପ୍ରସ୍ତୁତ୍
କରାଯାଇଥିଲା । ଭଲ୍ ପ୍ରଦର୍ଶନ୍ ଲାଗି ବାଣିଜ୍ୟ ମେଳାଥି ଓଡ଼ିଶା
ପାଢ଼ିଲିୟନ୍ ଲଗାତାର୍ ୩ ବଛର୍ ହେଲା ପୁରସ୍କୃତ୍ ହେଇଆସୁଛେ ।

ବିକଶିତ୍ ଭାରତ୍ ଲାଗି ବିକଶିତ୍ ଭାରତ୍ କର୍ମଶାଳା I&PR

ବିକଶିତ୍ ଓଡ଼ିଶାର୍ ସପନ୍କେ ବରକସ୍ କରବାର୍ ଉଦ୍ଦେଶ୍ୟଥି ରାଜ୍ୟ
ସରକାର୍ ଓଡ଼ିଶା ଭିଜନ୍ ୨୦୩୨ ଆଉ ୨୦୪୭ ବାଗିର୍ ଖାସ୍
ମାର୍ଗଦର୍ଶିକା ପ୍ରସ୍ତୁତ୍ କରିଛନ୍ । ଗଲାକାଏଲ୍ ଭୁବନେଶ୍ଵର ମିଶନ୍ ଶକ୍ତି
ଭବନ୍ ଠାନେ ହେଇଥିବା ବିକଶିତ୍ ଭାରତ୍ ଲାଗି ବିକଶିତ୍ ଓଡ଼ିଶା
ଶୀର୍ଷକ୍ କର୍ମଶାଳାଥି ଉପମୁଖ୍ୟମନ୍ତ୍ରୀ ପ୍ରଭାତୀ ପରିଡ଼ା ଯୋଗ୍ ଦେଇକରି

ସମାଜର ସବୁ ବର୍ଗର ଛାତ୍ରଛାତ୍ରୀ, ବିଶେଷଜ୍ଞ, ପ୍ରବାସୀ ଓଡ଼ିଆ ପ୍ରମୁଖ
ଇତାକେ ସାକାର କରବାର୍ଥ୍ ଗୁରୁତ୍ୱପୂର୍ଣ୍ଣ ଭୂମିକା ନେଉଛନ୍ ବଳି
କହିଛନ୍ । ଇ ଅବସରେ ଓଡ଼ିଶା ଭିଜନ୍ ଡକ୍ୟୁମେଣ୍ଟ ବାବ୍ଦେ
ସଚେତନତା କାର୍ଯ୍ୟକ୍ରମ୍ କରାଯାଇଥିଲା ।

ଭୂସମ୍ପଦ ତଥ୍ୟାବଳୀ ରଥ I&PR

ଉପମୁଖ୍ୟମନ୍ତ୍ରୀ ଆଉ କୃଷି ମନ୍ତ୍ରୀ କନକ ବର୍ଦ୍ଧନ ସିଂହଦେଓ ଗଲାକାଏଲ୍
ଭୁବନେଶ୍ୱର କୃଷିଭବନ୍ ନ ଭୂସମ୍ପଦ ତଥ୍ୟାବଳି ରଥ-ଏଲ୍ଆରଥାଇର
ଶୁଭାରମ୍ଭ କରିଛନ୍ । ଇ ରଥ ରାଜ୍ୟର ସମ୍ବଲପୁର, ଦେବଗଡ଼ ସହେତେ
ଝଟା ଜିଲ୍ଲାର୍ ପଂଚାୟତ୍ମାନଙ୍କେ ଯାଇକରି ବିଜ୍ଞାନ ଭିତିକ ଜଳ
ବିଭାଜିକା ପରିଚାଳନା ବାବ୍ଦେ ଚାଷୀମାନଙ୍କୁ ଜନାବା । ଇ
ଜିଲ୍ଲାମାନଙ୍କେ ଆଏବା ମାସେ ତକ୍ ଏଲ୍ଆରଥାଇ କାର୍ଯ୍ୟକ୍ରମ୍ ଚାଲ୍ବା
ବଳି ଉପମୁଖ୍ୟମନ୍ତ୍ରୀ ଶ୍ରୀ ସିଂଦେଓ କହିଛନ୍ ।

ଗୁଣ୍ଡିଚା ମନ୍ଦିର ଖୁଲାଇବା ଆରବନ୍ଧୁ/ ସମ୍ବଲପୁର

ପୁରୀ ଶ୍ରୀଗୁଣ୍ଡିଚା ମନ୍ଦିର ଆଏବା ମାସ ୧ ତାରିଖ୍ନୁ ଖୁଲାଇବା ବଳି
ଶ୍ରୀମନ୍ଦିର ମୁଖ୍ୟ ପ୍ରଶାସକ ଡକ୍ଟର୍ ଅରବିନ୍ଦ ପାଢ଼ୀ କହିଛନ୍ । ଗଲା ୨

ବଛର୍ ହେଲା ବନ୍ଦ ରହିଥିବା ଶ୍ରୀ ଗୁଣ୍ଡିଚା ମନ୍ଦିର ଖୁଲ୍‌ବାର ବାବ୍‌ଦେ ଗଲା ପରିଚାଳନା କମିଟି ବୈଠକ୍‌ ଥି ନିଷ୍ପତି ନିଆଯାଇଥିଲା । ଶ୍ରୀମନ୍ଦିର ପ୍ରଶାସନ୍ ଗୁଣ୍ଡିଚା ମନ୍ଦିରର ସବୁ କାମ୍‌ର ଦେଖ୍‌ରେଖ୍‌ କର୍‌ବେ ବଲି ଡକ୍‌ର ପାଢ଼ୀ କହିଛନ୍ ।

ପରାମର୍ଶ ବୈଠକ କଳାହାଣ୍ଡି ସମ୍‌ବାଦଦାତା

ଜାତୀୟ ଆଇନ୍ ବିଶ୍ୱବିଦ୍ୟାଳୟ ଆଉ ନେଦରଲାଣ୍ଡର ଦୂତାବାସକର୍ ମିଲିଡ୍ ସହଯୋଗ୍‌ କଳାହାଣ୍ଡି ଜିଲ୍ଲା ଶିକ୍ଷା କାର୍ଯ୍ୟାଳୟ ସମ୍ମିଳନୀ କକ୍ଷ ନ କଳାହାଣ୍ଡି, ବଲାଙ୍ଗିର ଆଉ ନୂଆପଡ଼ା ଜିଲ୍ଲାକେ ନେଇକରି ହିତାଧିକାରୀ ଅଂଶୀଦାର୍‌ମାନକର୍ ସହେତେ ଗୁଟେ ପରାମର୍ଶ ବୈଠକ୍ ହେଇଯାଇଛେ । ବୈଠକ୍‌ ଜିଲ୍ଲାର ଆଶାଦିଦି, ଅଜ୍ଞାନବାଡ଼ି ଦିଦି, ପ୍ରେରଣା ଦିଦି, ଜିଲ୍ଲା ଆଉ ବୁକ୍‌ସ୍ତରୀୟ ସ୍ୱୟଂ ସହାୟକ ଗୋଷ୍ଠୀର ସଦସ୍ୟ ମାନେ ଯୋଗ୍‌ ଦେଇକରି ଘରୋଇ ହିଂସାର ସମାଧାନ ବାବ୍‌ଦେ ମତ ଉପସ୍ଥାପନ୍ କରିଥିଲେ ।

ନୂଆପଡ଼ା-ସ୍ୱତନ୍ତ୍ର ଶିବିର ନୂଆପଡ଼ା ସମ୍‌ବାଦଦାତା

ନୂଆପଡ଼ା ନେସନାଲ୍ ଉଚ୍ଚମାଧ୍ୟମିକ୍ ବିଦ୍ୟାଳୟ ଜାତୀୟ ସେବା
ଯୋଜନା ତରଫୁ ୭ ଦିନିଆ ସ୍ୱତନ୍ତ୍ର ଶିବିର ଉଦ୍‌ଯାପିତ୍ ହେଇଯାଇଛି ।
ଶିବିରଥୁ ୫୦ ଝନ୍ ସ୍ୱେଚ୍ଛାସେବୀ ଯୋଗ୍ ଦେଇକରି ୭ ଦିନ୍ ଧରିକରି
ଭିନ୍ ଭିନ୍ ସୂଚନା ଆଉ ସଚେତନ୍, ସମାଜ୍ ସଂସ୍କାର୍ ବାବ୍ଦେ ତାଲିମ୍
ନେଇଥିଲେ ।

ଇଫି ଏନ୍‌ଏସ୍‌ଡି

ଗୋଆ ନ ଚାଲିଥିବା ୫୨ ନମ୍ବର୍ ଅନ୍ତର୍ଜାତୀୟ ଚଳଚ୍ଚିତ୍ର ମହୋତ୍ସବ୍
ଗଲାକାଏଲ୍ ୨ ଟା ଚଳଚ୍ଚିତ୍ର ପ୍ରଦର୍ଶିତ୍ ହେଇଛି । ନିର୍ଦ୍ଦେଶକ୍ ନୀତିଶ୍
ପେରିସ୍‌ଙ୍କର୍ ଫିଲ୍ମ୍ ‘ବୈମାନିକ୍ ଦ ପାଇଲଟ୍’ ୧୯୬୦ ଦଶକ୍‌ର ଗୋଆ
ନ ଅବସ୍ଥାପିତ୍ ଦୁଇ ଭାଇଙ୍କର୍ କାହାନୀ ଉପ୍ରେ ଆଧାରିତ୍ । ଇ
ସମିଆଥୁ ଯୁବ ଚଳଚ୍ଚିତ୍ର ନିର୍ମାତା ସୋହମ୍ ବେଣ୍ଟେଙ୍କର୍ ନିର୍ଦ୍ଦେଶିତ
‘ଜିରୋ ବଲ୍‌ର୍’ ରେଡ଼କାର୍ପେଟ୍ ସମ୍ମାନ ପାଇଥିଲା ।

ରାଜ୍ୟ ଗୋଷ୍ଠୀ କ୍ରୀଡ଼ା ପ୍ରତିଯୋଗିତା ଏନ୍‌ଏସ୍‌ଡି

ଭାରତ୍ ଆଏବା ୨୦୩୦ ରାଜ୍ୟ ଗୋଷ୍ଠୀ କ୍ରୀଡ଼ା ପ୍ରତିଯୋଗିତା
ଆୟୋଜନ୍ କର୍ବା । ଅହମଦାବାଦ୍ ସହର୍ ନ ରାଜ୍ୟଗୋଷ୍ଠୀ କ୍ରୀଡ଼ା

ଇ ଶତବାର୍ଷିକ୍ ସଂସ୍କରଣର ଆୟୋଜନ କରବାର ଲାଗି ଅନୁମତି ମିଳିଛି । ଭାରତ୍ ଶେଷ୍ ଥର ଲାଗି ୨୦୧୦ ମସିହାଥ୍ ରାଜ୍ୟଗୋଷ୍ଠୀ କ୍ରୀଡ଼ାର୍ ଆୟୋଜନ କରୁଥିଲା । ଅହମଦାବାଦ୍ ନ ଇତାର୍ ଆୟୋଜନ ଦେଶ୍ ଲାଗି ଗୁଟେ ସମ୍ମାନଜନକ୍ ମୁହୂର୍ତ୍ତ ହେବା ବଳି ଯୁବବ୍ୟାପାର୍ ଆଉ କ୍ରୀଡ଼ାମନ୍ତ୍ରୀ ମନ୍ସୁଖ୍ ମାଣ୍ଡିୟ କହିଛନ୍ ।

ପ୍ରଧାନପାଟ୍ କପ୍ ଫୁଟ୍ବଲ୍ ଟୁର୍ଣ୍ଣାମେଣ୍ଟ୍ ଦେବଗଡ୍ ସମାଦଦାତା

ଦେବଗଡ୍ ଇନ୍ଦିରାଗାନ୍ଧୀ ଷ୍ଟାଡ଼ିୟମ୍ ଠାନେ ୭ ନମ୍ବର୍ ସର୍ବଭାରତୀୟ ପ୍ରଧାନପାଟ୍ କପ୍ ଫୁଟ୍ବଲ୍ ଟୁର୍ଣ୍ଣାମେଣ୍ଟ୍-୨୦୨୫ର ପହେଲା ସେମିଫାଇନାଲ୍ ମେଚ୍ ଗଲାକାଏଲ୍ ହେଇଯାଇଛି । ସମ୍ବଲପୁର ଏକାଡେମୀ ଫୁଟ୍ବଲ୍ ବଲ୍ ୩-ଶୁନ୍ ଗୋଲ୍ଥ୍ ଜଗଦଲପୁର ରଙ୍ଗାଲ୍ ଫୁଟ୍ବଲ୍ ଦଲ୍କେ ହରେଇଛି ।

ପାଣିପାଗ ଆର୍ଏନ୍ୟୁ/ ସମ୍ବଲପୁର

ଦକ୍ଷିଣ ଆଣ୍ଡାମାନ୍ ସାଗର ନ ହେଇଥିବା ଲଘୁଚାପ୍ କ୍ଷେତ୍ର ଆଏଲ୍ ପଶ୍ଚିମ- ଉତ୍ତର-ପଶ୍ଚିମ ଦିଗେ ଯାଇକରି ଦକ୍ଷିଣ ବଙ୍ଗୋପସାଗର ନ ଅବପାତ ରୁପ୍ ନେବା । ଆଏବା ୨୪ ଘଂଟା ଭିତ୍ରେ ଇଟା ଉତ୍ତର-

ଉତ୍ତର ପଶ୍ଚିମ ଦିଗରେ ଯାଇକରି ତାମିଲନାଡୁ ଆଉ ପଶ୍ଚିଚେରୀ
ଆଡ଼ମେ ମୁହାଁବା ବଳି ଭୁବନେଶ୍ୱର ଆଂଚଳିକ ପାଣିପାଗ ବିଜ୍ଞାନ
କେନ୍ଦ୍ର ତରଫୁ ଅନୁମାନ କରାଯାଇଛି ।